

Iluani ittut

AULAPKAJJIP UQAUHIIT.....	Error! Bookmark not defined.
AULAPKAJJININ NAITTUMIK.....	5
INIQTIRUTAA.....	37

AULAPKAIJIP UQAUHIIT

Quviahuktunga tunihiplunga Aulapkaiji Nutaqqanun Ilagiiktununutlu Havagvia 2021/2022 Ukiuq tamaat Unniutjutinik maliqatijut pitqujauhijunuk Nutaqqat Ilagiiktullu Ikajuqtiit Maligat Maliruagakhallu. Una unniudjut pidjutiqaqtuq kihiqtitautinik pittiaqhugit auladjutait nutaqqat munaridjutait aviktuqhimajumi uvalu tunihiblutik nauaijautinik kivgaqtuutinik uvalu pinahuarutit ataani Ilagiingnun Inuuhiqattiarnirmun Havagvia.

Una 2021/22 maniliqinikkut ukiungani pijariaqaqtut aulahimaaqtumik *Qanuqtuurniq* (aallanguqtirniq uvalu ikajuutaujuq) uvalu ilihaqtitaatqut ihuaqtumik kikliqaqtunuk ikajuutinik uvalu pidjutiqaqtut munaridjutinik aulahimaaqtumik qalagjuarniq COVID-19 Aanniarjuarut. Havakpaktugut hapkunani ikajuqhugit ilagiiktut, nutaqqaat imaalu inulrammiillu atauttikkut havaqatigiikhtuk piliuqtauhimajuq Ilagiinut Inuuhirittiarnirmik havaqatigiiktut pipkainikkut nutaqqat inulrammiillu munarijaujut aulapkainikkut uqaqatigiplugit ilagiiktut. Ajuihautihimaaqtavut tigujuhijunuk munaqtuujut nutaqqanik imaalu Ilagiinut Inuuhirittiarnirmik havaqatigiiktut paqittijut ihuaqtunuk nunarjuaptingni, ukuallu Nunavut, aviktuqhimajumi, taimaa avaliingaaqtitautilugit.

Havaqatigijaqqut Nunavut Tunngavik ilaliutihimajuq (NTI), kitut ikajuqtaujut Ilagiingnun Inuuhiqattiarnirmun imaa maniliqtuublutik pinahuarutinik piliuriangini iPads, tigumiat hivajautit atadjutillu qaritaujakkut kivgaqtuutit piinialgit tamainun pijaaqtunun nutaqqanun inulramingnunlu munarijaujunun avatiini aviktuqhimajumi. Havaqatigijavut Iqittiaqhimalugu Inuuhiq Katimajit tunihilutik aalangajunuk ikajuutinik inulramirnun uvalu ikajuqtiujut havaqatigiiktut uvalu Ulapqidjutikkut uvalu Min'nguiqhirviit Katimajit Nunavunmi ilaujuq upalungaijautinun aujami inulramiit maniqamiutainik. Havaqatigihimaaqtavut nunallaavut-ittut havaqativut ukunuuna *Piliriqatigiinniq* (havaqatigiiktut atauhirmik nakuujumut) tunigiama aannirnaittumik hapummiutinirilu arnanut, nutaqqanun inulramiinullu ukunuuna qimaaviptingni pinahuarutingit unalu nunallaani-ittut havauhikhat. Ihuaqhivaaliqtavut havauhivut ukua nuugiarutit makpiraaluu ihivriuhininginik nalaumajut pitquhirmik pigiarutiniklu nutaanguqtiqhugit Qatangutiriinut Inuuhiqatiarnikhamik Upalungaijajit Katimajiujut (FWPC) pigiarutit.

Pittiaqhugit *Pijitsirniq* (ikajuqhugit uvalu tunihiblugit ilatik uvalu/uvaluuniin nunallaanun), tunihijugut ikajuutinik nutaqqanun aihimablugit ilamingnun, nunallaamilu. Ihuaqhijuumiqtavut ulapiqtit hilataani aviktuqhimajup imaa pulaarlugit nutaqqat, inulramiit uvalu iningnigut hilataani aviktuqhimajup. Akhuuqhaqtavun inulrammiinnun ikajurnikkut pinahuarutinik talvuuna hivulliqaakkut piniaqhimadjutikkut havaktitauvakhunilu malruungnik Inulrammirnik Ihaarutinik Tutqikhajinik pipkainikkut atanngujanik hulidjutikhanik hailihimajun inulrammiinnun tamaani aviktuqhimajumi.

Hivunikhaa Nunavunmi pidjutiqaqtut inuuhiringnaqtumik nutaqqanun ilainunlu. Munaqhiniq nutaqqanik inulrammiitlu piliulirutaujut hakugiktumik tungavikhamik. Ilagiinut Inuuhirittiarnirmun havagutit nallaumajut Katujjiluta, Nunavut Kavamanga Siksit Maligaliurvingmi Pinahuaqtaa. Uvagutlu, "tuhaghuta uvalu ikajurlugit inulrammiit kitut aulahimaaqtumik uqaqatigilugit nigjugutimingnik uvalu ihagiagijainik". Tamapta ukpiguhuktugut ihariahungniq aulahimaaqtumik

maniliungniq ikajuutikhat tapkua nutaqqat inulrammiitlu havaktaujukhat apqutikhamik mikhaanun havaklugit ihuaqtumik hivuniptingni. Una aturluaqtuq havagviptingni pitqujaujut uvalu atugahat havaavut nunallaani iligiit kitut munaqhijut tunihinirmun iliharnirmun, havaakhanun, aanniaqtailinirmunlu munaridjutit.

Aipaangani, 2021-2022, nutaanguqtiqtait akhuurutivut ikajuutikhat tahapkununga kitut ihariagijavut tunihinirmun Ilagiingnun Inuuhiqattiarnirmun pinahuarutit, ilaujut hivungani havaktit; Nunallaani Inuliqijit Havaktit (CSSWs), Inulirijikkut Havaktit, Munaqtiujut Tutqikhajit, ilagiiktut, ilagiiktut, ilagiiktut, munaqtiujut ilagiiktut, imaalu nunamingni havaqatigiiktut. Havaqatigittiaqtavullu tamaita Havagviit havagvingmi; Ikajuuhialiqijitkut, Havakhanun Pivallialiurnikkut, Kiinaujaliqijitkut, Havaktuliqijitkut, Atugakhaq, Ilingajunut Ilingaijautikhainut, ukuallu Ministait Atan'ngujanut Katimajiit tunihilutik aullaranginaqtumik munaqhijutikhainnik Havagviptingni. Tamainun attautinun ataani hapkua aaniagutit, ilitugipkagumajunga qujagijatka aulahimaaqtumik akhuugutit uvalu ikaangnitka. Piqangitumik ajungnautikharnik pijaangat atuqtakharnik.

Imaalu, qujagijumajatka ataniqarviit iligiit ilaujut tamaita ajuittiaqhimajut, tapkua kitut qimaijuit havaqatigiit kinguani havaktut kivgaqtuqtut, nutaat iligiit ilaujut uvalu tapkua kitut aulangitut. Akhuugutait tapkua havaktatit tunuani pijaangini tapkua tamaita havaakhat havaktaujut akhuungnaqtut, kihimi uqautauluanguit, taimaali, '*nakurmiik*' tamainun!

Unaguhukhimaitumik akhuurutit tamainun hapkua attautit pipkaqtaatigut uvalu havakhuta amigaitqiamik 9,300 takujaujukhanik uvalu ikajurlutik amigaitqiamik 760 ilagiit uvani ukiumi.

Tamaffingnut, ma'na, nakurmiik, quana.

Tavvauvutit,

ᐱᐱᐱ ᐱᐱᐱᐱᐱ

Joanne Henderson

B.A., B.S.W., M.S.W.

Aulapkaiji Nutaqqanun Ilagiiktunullu Havagviani

AULAPKAJININ NAITTUMIK

Una unniudjut pidjutiqaqtuq naunaijautinik Ilagiingnun Inuuhiqattiarnirmun auladjutainun atuqtilugu maniliqinikkut ukiungani 2021-2022 atuqtilugu Qitiqqautijuuq 2021 nungutilugu Qiqajjalirvia 2022.

Ilagiinut Inuuhirittiarnirmun kivgaqtuutit pijariaqaqtut havaqatigiingnirmun ikajuutiniklu tamaini aktilaangini. Amigaitut havaktit havaktiqangitut amigaitilaangit havaqatiptingnun havaktait angijumik ajuqhautinik tunihijaangini qanuriniit kivgaqtuutit tapkua akhuuqhajavut tunihilutik. Kihimi, nutaanguqtirniq, ikajuutaujuq uvalu akhut ikajuutigijaqqut piluta uvalu kiudjutigiblugin amigaitqiamik 9,300 tautuktaujukhat uvalu ikajuqhugit amigaitqiat 764 nutaqqat inulrammiitlu ataani aalakiit qanuriniit.

Tugaaqhimajavut ilagiit qajangnautait aulahimaaqtumik akhut taimaali pusatinga upautidjutikhat tunijaujut aipaanganimin ilaujut ilagiit ningarnirmun. Ilangini aviktuqhimajuni, ilagiit ningarnikkut-ilaujut takujaujukhat pidjutiqaqtut imaa 16% atautimun tautuktaujukhat pijaujut. Nigiukhimajugut allamik ukiumik hivunikharnik ilihairutikharnik aulatitjaangat qajangnairutikharnik nunalaangit, havagiikhimavakhimajavut Arnat Qajangnairutikharnik Hanaqidjutikharnik katimadjutikharnik Iqalungni, Iqaluktuutiami, Kugaarungmilu. Hapkuat uqaqatigiingniit turaangajun qanuqtun havagviit timiqutillu havaqatigittaqtun havaqatigiingnikkut tuninikkut Nunavunmiunnik nakuujunik havagutinik aturutikhaniklu ilaupluni nakuujunik havagutinik ukunani ningaqtailinikkut tamaani Nunavunmi.

Iglukhat niqikhailiuqtullu aullaranginnaqtumik ihuittumik aktuutauvaktut ilagiiktunut. Malruuk hitamanit aviktuqhimajuni havaktut taimaa 300 taaktiliqinahuat pijut ikajuutikhamut iglukhamut. Una pidjutiqaqtuq 69% tamaita naunaijaqtauhimajut iglutigut tunijaujut avatqumajumi 2021-2022 ukiungani. Imaalu, itqaijugut avatqumajunik 50% tamainit ilitarijaugitunik tuukhiutinik ikajuutinik pijutiqaqtunik niqikhailiuginirmik.

Havagutivut ikajurnikkut pivallialiurnikkullu ajuiqhimajakhanik havaqatiptingni qitqaniittuq pittaarutiptingnun tuninikkut nakuujunik havagutinik nutaqqanun ilagiiktununlu. Ajuiqhautikharnik tunihimaarniaqtuq atuqtakharnik hanalrutikharnik iliqatigiiktunik ihuaqtumik. Havaktit pihimajut ajuiqharnirmik qaritaujakut "Lunch-kut Ilihaqhutiklu" katimanigit uvuuna 2021-2022. Uqaqtakhangit ilaliutijuuq ihumamitigut aaniarutilgit unalu nakurudjutimut, quglukhimaniq ilaliutihimajurlu, nutaraq pitquhinga pivallianirlu, ikajuqtuq tigujuhaimajunik munaqtijut nutaqqanik, Nutaramut Pimmarlungniq Havaqatigiingniq unalu Kiudjutinga Angirutinga (CANRA), Havakvinga Inungnut Munaqtijunut unalu Ilaupkainiq Aadlatqiininngalu. Tigujaujunut munaqtingit ajuiqhainiq katimajut unalu Qaritaujakkut Pulaarvinga tunijuuq naunaitkutaq aadlatqiinut uqaqtakhanginnik pijut atuliqtitaugiami qanuqtullu ikajuriami Nunavunmiut tigujuhaujunut nutaqqat munarijaujut. Uvani Hikutirvia 2021, hivulijuuq qaritaujakkut ilihaidjutit mahulingainikkut aulaqtitaujuq havaktinun. Qaritaujakkut pulaarvinga piluqtauliqturlu ilaliutijuuq avatqumajuuq 40 qaritaujakkut inminik-pijuuq ilihaidjutikhaq havaktunut.

Uvani ukiumi, akhuurutit tunihjaamingnik ihuaqhaqhimajunik ilihaidjutinik inulramingnun akhuurutiaqtut. Atadjutiaqtugut uvalu havaklugit havaqatigiingniq havaklugit uvalu tunihiluta aalangajunik pinahuarutinik hapkununga inulramingnun hapkununga Iqittiaqhimalugu Inuuhiq Katimajit, Ulapqinikkut uvalu Min'nguiqhiviit Katimajit Nunavunmi, Hilataani Qiniqhiajut, uvalu Piliuqtit. Kingulikpamik, pihimmaarnikkut qanuriliurutikhat ukuallu havaktikhaqhiurnikkut pidjutiqarniaqtun hakugiktumik tikittukhami ukiumi. Una akhuungnaqtuq havaktinun, munaqhijunun angajuqaanun, ikajuutivullu inungnun nunallaami. Ikajuqpaktugut ikajuqhuta maniliuqhutalu nakuuhivalliajutikhanik piliurlugillu atuqtakhat tunngavikhanik talvuuna *Ikajuqtigiinni*q ilihimapluta ihuaqtumik havaqatigiiklutik atauhirmik pidjutikhamik.

Kangihipkaidjut

Havagviat Inulirijikkut munarijaqaqtut Ikajuuhiarnikkut pinahuaruti, Ilagiinut Inuuhirittiarnirmun Havagviat, Havakhanun Pivallialiurnikkut Ikajuutikhat, ukuallu Ilingaijvallianikkut Havagvia. Havaagijavut ihuaqhijuumirlugu inuuhiqattiangniq uvalu inmikkut-pijaangniq Nunavunmiunun haffumuuna ilaunikkut uvalu nutaanik kivgaqtuutunik. Tautuktuujaaqtavut haffumunga "Munarinikkut Nunallaat humi tamaita Nunavunmiun inuunikkut".

Ilagiinut Inuuhirittiarnirmun havagvia tunihijut aallatqiiktunik ikajuutikhainik nutaqqanut qajangnarnirnullu inirniut pijariaqaqtut pittailitikhainik uvaluuniit aallanik aallangajunik ikajuutikhainik. Havagvia ikajuqtait atauttit, ilagiit, katihimajut nunallaallu havaklugit ajuiqtakhatik aturlugillu inuup nunallaaplu ikajuutikhait ihuaqhijuumiriangani inmik inuuhiqtik. Piqaqtut hapkuninga tikinahuarutinik:

- Ikajuutikhanut pijut ilamingnut nakurudjutinga ihuaqhaqtaugiami ikajuqtaugiamilu tamainni aviktuqhimajumi.
- Pigiami Maligat munarijakhangit pijut hapkunani maliganik: *Nutaqqanut Ilagiiktununutlu Havakvia Maligaq, Tiguarnikkut Maligaq*, unalu Nunaqaqqaahimajut *Pitquhikkut Tiguarnikkut Ilitaridjutikkut Maligaq*.
- Hapummilugit pilaarutait nutaqqat, inulramiit, ilait, ajuqhaqtullu attautit.
- Uqaqtiuluni ihumagijauhimajunik ajungnautiqaqtunik ilaunijunik avatingni Nunavunmi.
- Hakugikhijuumirlugit pittailinikkut uvalu qilamiungnikkut ikajuutit attautinun uvalu ilagiit hulaqtijut imaa uvaluuniin qajangnautiqaqtut ilagiingnun ningarnirmun.
- Ikajurlugit inulramiit imaa havaklugit qajangnaitumik nunallaani najugahait.

Aulapkaijip Ukiuq Tamaat Unniudjut pijakhaq ataani Titiraqhimajumi 42 haffumani Nutaqqanun Ilagiingnunlu Kivgaqtuqtut Maligaq. Naunaiqhimajuq ikajuutinik tunijaujuq nutaqqanut ilamingnullu titiraqhimajumi Maligap aadlallu ikajuutikhat unalu havauhikhat tunijaujut ikajuriami ilamingnik nunallaanullu tamainni Nunavunmi.

Una unniudjut turaaqhimajuq kitunun havaakhanun havagvia pitqujaujut tunihilutik. Una ilaqaqtuq ikajuqhugit ilagiiktun talvuuna havagutaani Nunallaani Inuliqijini Havaktini (CSSWs), ilaujullu nutaqqanun hapumminikkut, tiguarnikkut tiguaqtinikkullu, inirnit havagutinik, ukunanilu ilagiiktuni ningarnirin qimaavingni inungnunlu ikajurnikkut pinahuarutinik.

Ilagiinut Inuuhirittiarnirmun Auladjutit 2021-2022

Ilagiinut Inuuhirittiarnirmik havaqatigiiktut ilaujut ukuat Nunallaani Inuliqijit Havaktiit (CSSWs), Qatan'ngutiliqijitkut Havaktiit, Ajuittiaqhimajut (ilaujut Nutaqqanun Munaqhidjutikhat, Tiguarnikkut, Ikajuqtaujunut Kivgaqtuidjutikhat, Qatangutiriinut Aanniqtailinirmut, Aanniqtailinikkut pinahuaruti ikajuqtikhat imaalu ihuaqhainirmik havaktit, Tutqiqhaiji pittailitikhnik Ningaqaunirmik Nutaqqanik Inulrammirnullu Pinaqhimadjutikhainik, Inulrammirnik Ikajuqtikhat Tutqiqhaijit, imaalu Munaqtiujut Tutqiqhaijit.

Takujaqtuqijut

Uvani ukiumi amigaitqiat 9,300 upautidjutikhat tunijaujut uvalu havaktaujut hapkunanga Ilagiingnun Inuuhiqattiangnikkut havaktit tamaini aviktuqhimajumi. Iqalungni havagviat auladjutait taaksiqatut mikijunik havaktikhanik imaalu angijumik ajuqhautaujunik aulapkaidjutikhainnik.

Uvani 2021-22, Iqalungni havagviit havaktait:

Imaatut 8 pijaujunik/pijaujukhanik ubluq tamaat Hivulliumi-Tallimiumi 08:30-17:00
(naamavjaktuq **2,880 hivajaqtut ukiungani**)


Imaatut 10 pijaujunik/hivajaqtut ikaagniit kinguani ikaarniit ubluni 17:00-08:30 (naamavjaktuq
3,650 hivajaqtut ukiumi)

Naamavjaktuq hivajaqtut ukiumi- **5,730**

Hivajautikkut hivajaqtut ubluq tamaat- **15**

Ikajuqtiriit, humiliqaa ukiuqtaqtumi, aviktuqhimajumi, ilalu nuutqaqtitaujut agijunik havaktukhanik inuqagitunik havaguiqtutlu amigainigit, havaarijaujut amigainiginik upautivigijaujut; uvalu tunihlulik kivgaqtuutunik hatumiarnikkut qanuriniitigut hulaqtijut tamangnun nunallaanun uvalu iligiingnun. Naunaitkut 1 aaliujumi pipkaijuq qanuriniganik qafiuniginik takujaujukhanik pihimajut aturlugit Ukiuqtaqtumi nunami 2021-2022 aulanigani ukiumi (Maniliqinikkut Ukiungani (=Maniliqinikkut Ukiungani (FY).

Naunaitkut 1: Atauttimut Takujaujukhat Pivakhimajut talvuuna Ilaqaqtunik Inuuhirinikkut Havagviit Aviktuqhimajumi Tamaat uvani 2021-2022



Mahulingaijautikhat, tamangni nunallami imaalu havaktit, ikajuqpaktaatigut ilihaqtiluta imaalu havaqatigiplugit ilagiiktut kigliqqagaluqaqtitlugit. Hulaqutait qalagjuarnirmun COVID-19 aanniarjuarut pidjutigijaat akiitumik havaqatigiit, kihimi havaqatigijaqut uvalu havaliqtaqut munaqhidjutikhat nutaqqat uvalu ikajurlugit nutaqqat, inulramiit, ilailu; uvalu attautit ihagiahuktut qajangnautikkut, niqinik, uvalu iglutigut munarinirmik. Titiqqat 1 hapkunanit tunihijut naittumik ukuat atauttimut pitqujjut hivajaqtauplutik opidjutiqaqtunik nutaramut hapummiutinga uumani 2021-2022 FY Maniliqinikkut Ukiumi aviktuqhimanirmi.

Titiqqat 1: Naittumik Qanuritan Takujaujukhat Pivakhimajut tapkuninga CSSWs Avatingni Aviktuqhimanjumi Maniliqinikkut Ukiumi FY 2021-2022

Qanuriniit Takujaujukhat	Tunungani Qikiqtaaluk	Hivuraani Qikiqtaaluk	Kitikmeot	Kivalliq	Atauttimut
Nutaraq Iqaijangnikkut Aanniqtauhimajuq	12	687	12	5	716
Nutaraq nuliaqtaujuq Ihuangitumik	16	458	24	20	518
Nutaraq Ihumaanun Ihuritujuq	11	401	171	4	587
Nutaraq - Ihualuangitumik Munarijaujuq Munarijauhimaqtaqtuniklu	37	1317	148	17	1519
Nutaraq - Aanniaqtailiqinikkut Ikajuutikharnik pingittuq	3	61	69	4	137
Nutaraq - Munaqtiujuq Ajungnautiqaqtun	30	1547	162	14	1753
Nutaraq Aktuqhimanik Ilagiinik Ningaqtunun	105	286	222	49	662
Nutaraq Ikajuqtaunikkut Kivgaqtuutit Angirutait (Ukiulgit 0-15)	18	4	55	6	83
Inulramiit - Ikajutit Kivgaqtit Angirutait (ukiuqaqtut 16-18)	4	0	1	13	18
Nutaraq Inulramiitlu Hivutunirmik Ilagiitunik Munaridjutikharnik	40	8	67	18	133
Nutaraq Inulramiitlu Munaqtiuingmiitun	48	0	104	15	109

Inuit Pitquhinik Tiguaqtauhimajunut Naunaitkut	1	0	0	3	4
Tiguangnikkut (Iigaqtuqhutik Havagviatigunlu)	11	0	0	2	13
Tukhiqtun Munaridjutikharnik Ikajuutikhainik	17	9	150	6	182
Tukhiqtun Titirarnik Naunaitkutiqaqtunik Tuhaqtitaugiaqaqtunik	1	4	74	5	84


Titiiqqat 1 quulijut qaujijamajutaujuq uvaptingnik nalunairniganik timimi, nuliarniq, ikpigijaujunilu aanirutauluaqtut taimainigani pijutaujut **1,821** turaarviujunik. Anginiqhait amigaitilaangit takujaujukhat haffumunga pijaujumun Hivuraani Qikiqtaalungmi. Pinahuarutit imaatun Inunnguiniq Angajuqaangunikkut Pinahuarutit hulaqihimajut qalagjuarnirmun COVID-19 nutqaqtitaublutik kingulingni malrungni ukiungni. Hapkua, uvalu aalat quglukhimanikkut kangiqhidjutiqaqtut nunallaanun-pihimajut mamitingnikkut pinahuagutit, angijumik ihuaqtumik hulaqutinik uvalu ikajuutauniaqtut aulaffaangnikkut. Ihagiahungniq naunaituq anginiqhakkut amigaitilaangit upautidjutikhat tunijaujut mikhaagun ihuangitit munaridjutit uvalu munaqhijut (1,519 tamaini aviktuqhimajumi) uvalu munaqhijut ajuqhautit/ajuqhautit (kivgaqtuqtut 1,753 tamaini aviktuqhimajumi).

Aalat ajuqhautit uvalu qanuriniit tapkua hulaqutijut inuuhiqattiarnirmik nutaqqanun uvalu munaqtitik naunaijaqhimajut ukiumi. Hapkua ilaujut niqit uvalu iglutigut munarittiarnikkut uvalu ihagiahungniq ilagiingnun pijaangini najugahainik qajangnautikkut qajangnautmik uvaluuniin taimaali ilagiit ningarnikkut.


Ilagiiktunun Qajagidjutikhat

Ilagiinut Qajangnaitkutikhat ihumaluutaujut nunallaaptingni. Ilangit pusantinga tamaita takujaujukhat aulatitijaujut pidjutigiplugu ilagiiktut ningaqaunirmik: 12% Ukiuqtaqtumi Qikiqtaalungmi, 5% Hivuraani Qikiqtaaluk, 10% Kitikmeoni imaalu 16% Kivallirmi. Titiraujaaq 2 ataani, pipkaijuq qanuriniganik amigainiginik akturniginik nigarnirmik nunagijaptingni naunaijautigiplugit aalat upautidjutikhat pijauhijamajut Titiiqqat 3 pipkaijuq qanuriniganik takujaujukhanik pijauhijamajunik ihumaluutinit nutaqqaat inulramiiluniit manimijut qatangutiriit nigarniginik.

Naunaitkut 2: Ilangit Tautuktaujukhat Aulahimajut talvuuna Ilaqaqtunik Qajangnairutikharnik talvuuna Pittiarutikharnik Nunalaani Takujaujukhat Avikturvingmi Maniliqinikkut Ukiumi FY 2021-2022



Naunaitkut 3: Takujaujukhat Aulahimajut talvuuna Akuktaunikkut Ilaqaqtunik Qajangnairutikharnik talvani Maniliqinikkut Ukiumi FY 2021-2022




Pinahuarutit tapkua tunihijut qajangnautinun uvalu munaridjutinik nutaqqanun ilainunlu uvalu ikajuqhugit qiniqhialutik ahiagut ningarningmik akhut aaniangnaitumik nunallaanun. Una akhuungnaqtuq pinahuarutinun pinahuarutinunlu upalungajautinun pihimagupta pidjutigilugit kangiqhidjutit *tapkua nutaqqat ataani ukiuqaqtut siksiujut 1,515* unuat qimaavingni Nunavunmi pidjutigiblugit ilagii Ningarnirmun (takulugu naunaitkut 2 ataani).

Titiqqat 2: Atauttimun Qaffiuniit Unuami Atuqtaujut Nutaqqatigut Inulgammiitlu uvani Qajangnaitumik Qimaaviit 2021-2022


Avikturpia	Nutaqqat Ukiulgit 0-2	Nutaqqat Ukiulgit 3-5	Nutaqqat Ukiulgit 6-18	Ataattimut Nutaqqat
Qikiqtaaluk	624	411	1607	2642
Kitikmeot	209	148	439	796
Kivalliq	117	6	452	575
Ataattimut Ukiungit Aktilaangit	950	565	2498	4013

Aadjikutaanik ihumaaluutigijaujuq, itquumaninnga uumannga Qiqajalirvia 31,2021, **1,076**, Nunavummiut pipkaidjutijut aanirnaittumik qimaaviit qajangnarmata ninngarmataluuniit ningarniq unalu hapkuat 640, unaluuniit 59pusant, nutaqqat inulramiillu. Naunajautit 4 uvalu 5 tunihijut tautungnaqtunik kangiqhidjutinik qanuriniinik qimaaviptingni.

Naunaitkut 4: Nunavunmi Qimaaviit Najugani aktilaanginni



Naunaitkut 5: Nunavunmi Qimaaviit Inuqangnikkut Amigaitilaangit Inirnirit Itiqtitaujut Nutaqqat inulramiillu




Naunaitkutit anginiqhakkut aktilaangit inuit Nunavunmi qimaaviit tautuktitijut ihagiahungnirmik amigairjuumilugit pinahuarutit ikajuutikhat ilagiingnun hulaqtijut ningarnirmun. Ihuaqtumik ajuiqhautikharnik ilaqaqtunik qajangnairutikharnik ikajuutikharnik tunihimaaqtun pijaangat aulatitijaangat ilihairutikharnik taima ikajuutiginiaqtun mamitirutikharnik hanaqidjutikharnik arnanun nutaqqanunlu akuktauvakhimajut. Inulirijikkut kiudjutauvaktuq ilagiiktunin ningarnirnik talvuuna nunallaani-tunnganiqaqtunik ikajurutinik maniliqtuutikhaniklu ukununga Ilagiiktunin Ningarnirnin Qimaavingnun. Havagvik turaaqhimajuq ihuaqhijuumirlugit qimaaviit ilihaidjutit havaqatigiblugit YWCA NWT Arnatlu Qimaaviit Kanatami havaklugit ilihaidjutit hapkununga Ukiuqtaqtumi qimaavingnun havaktinun. Qimaaviit atuqhimaajut pijaangat uminga maniktavikharnik pijaangat havaktunik pijaangat aulahimajunik ajuiqhautikharnik nuutaaniklu ihumaliurutikharnik ihuaqhaidjutikharnik ikajuutikharnik

Iglukhailliurninnganut

Inugiakpallaarniq unalu niqailliurniq angiklijuummiqtuq ajurnarinnga inungnut ajuqhautingit nutaqqat atuqtait piliuriami atauttimut ajuqhautingit hivunirmi nakuujumik pigiami qilaminnuarlu ihariagijanginnik. Ilamingnut Nakurdjutimut havakvingit tamainni aviktuqhimaajumi tunijuq ikajuutikhamik titiqqaniklu ikajuutikhamik nunamingni Igluliqiitkut Katimajiinginnut ilamingnut piquqtut kikliqaqtumik piinariaqihimaniq ihuaqtumik iglukhamik.

Iglukhat tunihijut aalangajumik ajuqhautinik qimaavingnunlu najugaqaqtut angitqiat katimavingni imaatun Ikaluktutiami, Iqalungni, Kangirlinirmilu. Havagvik havakhimaliqtuq qanuriliurutikhanik piliuriami qajangnaittunik qimaavikhanik inikhanik inulrammiinnun havaqatigijaiullu nunallaami aulahimmaaqtumik pimmarikharnikkut hapkuat havagutinik. Naunaitkut 6 pipkaijuq qanuriniganik takujaujukhanik pijutiqaqtunik igluliqinikut nunami. Tunungani Qikiqtaalungmi Kitikmeonilu atautimiiqhimajut hanaqijauhijumajut avatqumajunik 300 Takujaujukhat aulahimajut talvuuna iglukharnik naunairutiqaqtuq taima 69% tamainik Takujaujukhat pivakhimajut talvuuna iglukharnik.


Naunaitkut 6: Takujaujukhat aulahimajut talvuuna Igluiliurnikkut Ihuaqtukhaungitunik Avikturvingmi



Niqaillurniq

Naunaitkut 7 aaliujumi pipkaijuq naunaijarniganik 551 turaagaujunik pihimajut pijutiqaqtunik niqikhaqatiaginirmik nunami. Ihumagijaujuq naunairiami avatqumajuq 50% tamainnit ilitarijaungittut apiqhuutit pijut niqailliuqtunut pijut Hivuraani Qikiqtaalungmi ilaliutijuq Iqaluit. Niqikhaliurnikkut ilihautikhat atuqtauqattaliqpaktut Iqalungni tamainnilu Nunavunmi. Una uqartuq aktuanit kiklit pilarni aaniaqtailiniq niqit atutqikhalat nunaliujuni. Ikglihijumajut pivikhainnik niqainnarnik imaalu amigaigjuumilugit niqit akiit piliuqpaktut ajuqhautaujunik nunallaanut.


Naunaitkut 7: Takujaujukhat aulahimajut talvuuna Igluiliurnikkut Ihuaqtukhaungitunik Avikturviagut



Niqikhailliurniq, aimavikhattunut, unalu ningarniq ajuqhautingit ajuqhautigijangit ilagiiktunut unalu nutaqqanut inulrammiillu nanihimainnaqhutik nunainnaqhutik angiklijuumiriangani inuuttiarnaqtumiklu. Ilagiinut Inuuhirittiarnirmun turaaqhimajut pittailinirmun. Tamna Nutaqqanut Ilagiiktununutlu Havakvia Maligaq tunihiamaqtun ihuaqhaidjutikharnik talvuuna ihumagijainik ikajuutikharnik angirutikhangit ikiklijumiqtitijaangat qanuriliurutikhangit aulahimajut talvuuna igluiliurnikkut niqailiurnaitumiklu. Qajangnaqpiaktut pidjutiaqtut aanniutaulajunik ilajut ilagiiktut ningaqaunirmik imaaluuniit qajangnaqtunik ningaqaunirmik pijariaqaqtut ajuqhautajunik. Ihuaqhaidjutikharnik ukuninga hanaqidjutikharnik pigiaqaqtun talvuuna havaqatigiingnikkut auladjutikharniklu hanaqidjutikharniklu ihumaginiaqtun kiudjutikharnik tamaini qullirutiaqtunik.

NUTAQQANUN MUNARIDJUTIT

Nutaqqanun Munaridjutikkut Kivgaqtuutit, ilaujut Ilagiingnun Inuuhiqattiarnirmun Havagvia, pihimalugit qajangnautit inuuhiqattiarnirmunlu nutaqqat inulrammiitlu imaa tunihilutik aalatqiinik kivgaqtuutinik. Hapkuninnga ilaqaqatuq ihivriuqtaunirnik hatummiarutiniklu tunijauhijajun nutaqqanun munaridjutikkut havaktinin ataani *Nutaqqat Ilagiiktun Kivgaqtuutingit Maligaq*. Ilagiinut Inuuhirittiarnirmik havaqatigiiktut, amigaigaluaqtilugit ajuqhautit ajuqhautillu atuqpakhimajut 2021-2022, ikajuqhimmaaqtutik nunallaamilu-ihumagiplugit ikajuutikhat. Una ilanga takuupkaijuq qanuriniganik nutaqanik pihimajut ikajuutinik ilagani munarijauniganik Hivuliqhuqtinit Talvannga Qiqajjalirvia 31, 2022. Naunaitkutit naunaijaqhimajut aviktungniitigut, ukiungit, qanuriniitigut, uvalu maligatigut qanuriniit.




Titiraujaaq 8 aaliujumi pipkaijuq nunami tuniuqhaijutinik nutaqanik munarijaujunik Hivuliqhuqtimit.

Anginiqhaq ilanga nutaqqat munarijaujukhat aviktuqhimajumi Hivuraani Qikiqtaalungmi

kitut ilaujut Iqaluit, Kinngait kimmirunmilu. Pihimajut qaffiuniit nutaqqat munarijaujut, havauhikhat havaktauligtut tunihilutik idjuhikhainik uvalu pitquhikkut pihimajut ilihaidjutit Ikajurlugit hapkua inulramiit ilailu. Aipaangani, aulaaqtitijut aujami uvalu ukiumi tatqiqhiutini hapkununga inulgamirnun, tajjauhijajunik ilihaidjutinik ilaujut piksasiutigut-pihimajunik kangiqhidjutinik aaniaqtailinikkut uqagahanik titiraujangnikkut.


Atukaffuktut Inulramiit Ihaangnikkut havaktit katimapkaijut hivajautikkut hulidjutinik tamaini Aviktuqhimajumi tunihilutik aaniangnaitumik pijakhanik nutaqqanun inulramingnunlu munaridjutinun atuqtilugu qalagjuarniq COVID-19 nunarjuami umikhimangmata. Makpiraannuat pitquhirmut nakuujuniklu hulilukaarutinik tunijauvaktut qaritaujakkut, uukturlutik ulapqidjutikhanullu tuniuqhaijutikhanik nutaqqanut, inulramminut, ilagiiktunullu pulaalimaitkumik ilamingnut ilanamingnutluuniit.

Naunaitkut 8: Nutaqqat Ataani Munarijaujut Aulapkaajimin Aviktungniitigut- hapkunani Qiqajjalirvia 31, 2022



Inikhaq "munarijauniq" hatumiarniq pijauvaktuq taimaa tamaita aalat pijakhat unaguqtut. Ajungnangitut aktilaangit atuqtaujuq, uvalu pinahuarutit utiinaqtait nutaqqat ilamingnun. Utiqtittiraningniq akhuurutaujuq ajuqhautinga avikhimaninnga nutaqqanit ilaminit humit pulaarvinganit qanuriliurninnganikluuniit inuuhimingni. Titiraujaaq 9 aaliujumi pipkaijuq ukiuqaqtunik aalatqiinik nutaqqanik munarijaujunik Hivuliqhuqtimit.

Naunaitkut 9: Nutaqqat Ataani Munarijaujut Aulapkaijimit Ukiuqaraluaqtillugit




Ukiungit aallatqiingningit nutaqqat munarijaujut tamainni Aviktuqhimajumi aadlatqiingittut akhuraaluk, kihimi atauttikkuq naunaiqtaungitpat amihut nutaqqat munarijaujut, 132, unaluuniit 51%, 0-9 ukiuqaqtut.

Tuquffihungnikkut kangiqhidjutiaqtut ikajuutit hapkununga nutaqqanun akhut pijaangini tapkua hivuliqhurlutik ajuqhautinik-piqangitumik inuuhirmingni pittiaqhugu *Inuttiavaunasuarniq* (havangniq mikhaanun nakuujumik uvaluuniin ajuqhautinik-piqangitumik inuuhiq). Ilagiinut Inuuhirittiarnirmun pinahuarutit ilitarijakhait hulaqtini aullaqtitauhimajunun ilihariaqtuqtitauhimajunun nunalitinunlu qanuqtullu una pidjutinarungnaqhijuq hatummiarutikhaptingni qanuriliurutiptingni qanuriliurutiptingnilu. Ihumagilluaqtakhavut tunigiami atuqtakhanginnik tunijuq angajuqqaangit ikajuutingillu kaimalluriktut pihimagiami angiklijuumiriamilu nutaqqangit inuulrammiillu nakuujumik ilaugiamingni inungnut aadjikutarigiami uumunnga *Inunguqsainiq* (pipkainingga angiklijuumiriamiluuniit inuk nakuujumik ilaugiami inungnut).

Angutaugumi arnaugumi/angutaugumi arnaugumi akhurnarniaqtuq upalungairutikharnik hivunirmi ilihairutikharnik ikajuutikharniklu. Taimaa ihumagijaujuq naunairiami 128, avatqumajurluuniit 50%, nutaqqanit munarijaujut Qiqaijalirvia 31, 2022, arnat arnannuallu.

Naunaitkut 10 ataani tunihijut kangiqhidjutinik nutaqqanun munarijaujut qanuriniitigut.

Naunaitkut 10: Nutaqqat Munarijaujut Aulapkaijimit Arnaunikkut/Angutaunikkut



Ilagiit Inuuhiqattiarniq havaktait pinahuarutit angutinun inuuhuktununlu pihimajut pingahut Aviktungniini Angutit Inuuhuktutlu Katimadjutit atuqtilugu Maniliqinikkut Ukiumi FY 2016/17, Havagvik ihuaqhaqtaukpat uqautiginirmun uqautigilugillu inungnun ajuqhautit hulaqutijut Inuinnarnun angutinun inuuhuktununlu. Kangiqhidjutit pihimajut hamanga 2016-2017 katimadjutit Nunavunmi uqaqtut piqaliqtut tajjauhimajunik kivgaqtuutunik angutinun inuuhuktununlu Aviktuqhimajumi.

Iitagihimajugut taima arnat arnaguhitlu piqaqtukhat ikajuutikharnik. Ilagiiktunut Inuuhiringnaqtumik pivalliaavakhimajut aituutikharnik havaaqharnik tunihimaaqtun pidjutikharnik arnanun-ikajuuhiarnikkut havakviingit pijaangat maniktarvikharnik ikajugianganik angiklijumirutikharnik nunalaani katitirutikharnik, ikajugianganiklu arnanik arnaruhingnunlu pijaangat ajuitiarutikharnik qaffiujunik hivuliqtikharnik maniliurutikharniklu nanminikharnik atuqtakharnik. Ikajuqpaktait havaakhat, pinahuarutit, havagutilluunniit akhuuqhaivaktun arnanun hivulliuqtiunikkut ajuiqhimajakhanik, havangnikkut, inuuhiringnirnik, pitquhikkullu qaujihimanirnik. Ikajuqhugit tamaita inulramiit ilaujut nunallaanun-pihimajut pittailinikkut ihuaqtumik hulaqutiginiaqtaat qaffiunniit inulramiit, qanuriniitigut, itirlugit nutaqqat munaridjutit auladjutait.

Aktilaangit hatumiangniq uvaluuniin kiudjutit havaktaujut hapkunanga Nunallaani Inulijit Havaktimin (CSSW) pittiaqhugu nutaraq kitut ihagiahuktut munaridjutunik pihimajut haffumunga Ihuaqhaqhimajuq Ihumaliunikkut (SDM) Ihivriuqhinikkut uvalu Kiudjutikkut Hivulijukhaq Naunaijautit. Una ikajuutikhaq havakhimajuq malikhautikharnik Inuit Inuudjuhiini Aturniqaqut malikhautikharnik piimaluaqtainiklu nutaqqat qajangnairutikharnik tamangnin iqaijarnikkut pitquhiliqinikkutlu tautungnikkut. Tamna maliktakhat ilaliutijug naunaijainiq aadlatqiinik aaniqtunik humaagingitainnikluunniit pijug tuquninnganit nutaramit, timimitigut aaniqtug, nuliarnirmut aanirniq, nagliguhungnirmut aanirniq, humaagingittut. Hatumiagutit ilagiingnun tugaaqhimajut pittailinikkut ikajuutinik uvalu aulagutiniaqtut akiitumik kivgaqtuutunik uvaluuniin kivgaqtuutunik angigutikkut. Naunaitkut 11 ataani tunihijut naunaijautinik qaffiunniit nutaqqat inulrammiitlu kitut ikajuqtaujut kivgaqtuutikkut angirutit uvani Qiqaijalirvia 31, 2022.


Kivgaqtutit Angirutit

Inmi-Ikajuutikhat Angirutit (VSA): angiqatigiigutit angajuqqaanun nutaqqanunlu ataani ukiunik 16nik ihariagijaungittun hapummidjutikhanik kihimi ihariagijaujun ilanginnik ikajurutikhanik.

Ikajurut Kivgaqtit Angirutit (SSA): angiqatigingni inulrammiit akungani ukiulgit 16 tamnalu 19-ngi huli hivuraaqtitaulimaittut angajuqamingni angilramingni pinahuaqhutiklu inuujaami inmikkut.

Ungigutivaktunik Ikajutaujukhanik Angiutaujukhanik (ESA): aah angiutaujukhanik pijukhanik pipkaivaktunik havakvit ikajutaujukhanik inulguminik ingningningnik akungainik inirningnik 19 nik 25 niklu.

Naunaitkut 11: Nutaqqat Pijaujunun Kivgaqtuutitik Angirutikkut, Qiqaijalirvia 31, 2022



Naunaitkutikhaa:

VSA: Inmi-Ikajuutikkut Kivgaqtuutikkut Angirut **POC-** Upalungaijautit Munaridjutikkut **SSA-** Ikajuutikkut Kivgaqtuutit Angirutit

ESA: Ikajutit kivgaqtit angirut

Takunnaktut qulaani, 216 nutaqqat pivakhimajut ikajuutikhainnik angirutikkut, 134 nutaqqat kivgaqtuqtauhimajut talvuuna Upalungaijautikhat Munarinikkut Angirutit. Upalungairutikhaq munaridjutikharnik Angirutikhaq titiraqhimajumik angirutikharnik akungani angajuqaangit (t) unalu Havakviangit naunajagiikhimajut hanaqidjutikharnik upalungairutikharnik nutarangmun ilagijainunlu naunajaijaangat nutarangit munaridjutikharnik inuuhirittiarutikharniklu. Taimaa Ihumaliurut Munarinirmut Angirutingit atuqtaugumi taimaa nutaraq hapummiutinga ihumaaluutigijaujut taimaarumik, upautijut nutaramut hapummiutinganik havaqatigiiklluangittuq qanurittaakhaanik ilaungittaamilu apiqhuqtauvingmit. Pijaaqqat, Ilagiingnun Inuuhiqattiarnirmun havaqatiginiagtait ilagii, ilait, nunallaani ilaujut uvalu nunallaani timiujut pivallianirmun

Upalungaijautinun Munaridjutikkut Angirutit. Upalungairutikhaq Munaridjutikharnik ihuaqhaingitkumik munaridjutikharnik ihumagijauhijunuk kuatiliqijunuk katimadjutikharnik taima avaliituq kingulirmiklu atuqtakharnik.

Apiqhuivingnin Pitqujain


Piqaqtuq pingahunik qanurittunik apiqhuivingmin pitqujainnik, naunaijaqhimajuq titiraqhimajumi ataani, pitqujauhijajuq ataani Nutaqqanun Ilagiiktununu Havagviani Maligaq taimaatun nutaraq ihariagijaukpat hapummidjutinik. Talvanga Qiqaijalirvia 31, 2022, piqaqtuq 224 nutaqqat inulrammiitlu ataani Apiqhuivingmin Pitqujaujut. Naunaitkut 12 talvani makpiraami tautuktijuq amigaitilaanginnik nutaqqanik inulrammiiniklu pijun havagutinik talvuuna Apiqhuivingnin Pitqujainnin, ilaujullu amigaitilaangin nutaqqat inulrammiillu tigujuhijajun uvaniluunniit nutqangallakvikhanik naalakvikhainnun.

Tigujauniq piujuq qangami nutaraq akhaaqtauhimaliqqat munarijauninganin angajuqqaanganin(ginnin).

Nutqangallakvik pitquniq tukiqaqtuq Apiqhuivingmin Pitqujaq piliuqtauhimajuruuq qarritiffaarlugu ihumagijajuq apiqhuivingmun qakugunguqqat, talvani atauhiq ukunanin pingahuujuni qanurittuni Apiqhuivingmi Pitqujanik tunijauttaqtuq.

Apiqhuivingnin Pitqujain
Munaqhijut Pitqujauhijajut: apiqhuijit pitqujaujut tapkua pitquijut CSSWkut munarilugit aihimaviit nutaqqat maliklugit maligahat uvalu qanuriniit pitqujaujut. Pitqujaujuq avatqulimaitaa attauhiq ukiuq.
Tadjakaffuk Aqaqtauhimaaqtunik Pitqujidjut: apiqhuivingmit pitqujidjut pitqujidjutaanik tamna nutaraq tigujuhijukhaq tigujaunirmik Aulapkaijimit naunaiqtaujumik hivituniani.
Aulahimmaaraanginaqtuq Akhaaqtauhimanikkut Pitquji: apiqhuivingmit pitqujidjut nutaraq tigujuhijumik Aulapkaijimit ukiuqaqtut 16-mut, hivotuqtaqtuq 19-ngurlugu inulrammiq angiqqat imaaluuniit pitqujaukpat apiqhuivingmit.

Naunaitkut 12: Nutaqqat Tunijaujut Ikajuutinik Apiqhuijinin Pitqujaunikkut



Naunaitkutikhaa:

TW: Atuqtaukaffuktut Munaqhiviit PW: Aulahimmaaranginnaqtuq Wardship APP: Aqhaaqaunirmut ADJ: Nutqarvikhaq SUP: Munaqhinirmut Pitqujauhijaujunit INT: Iluanit Pitquidjutit

Ihivriurninnga Naunaitkut 5a naunaiqtaa itquumaninnga tamna atuqtaulluaqtaujut havaamut angrutingit Ihumaliurut Munaridjutit (POC). 134 POCs atuliqtaujut uvani Qiqaijalirvia 31, 2022. Upalungairutikharnik Munaridjutikharnik allamik kuatiliqijunik ikiniqaqtuniklu kuatiliqijunik hanaqidjutikharnik.


Naunaitkut 12 naunairutaujuq **224** nutaqqat pijauhijaujunit ikajuutinik apiqhuijunit atuqtaujaujunit. Amigaitut hapkua nutaqqat inulramiillu, **92** atuttimut, pivakhijaujunit ikajuutikharnik talvuuna Aulahimmaaraanginnaqtuq Akhaaqaunirmut Pitquidjutit. Anginiqaqtuq hapkuat nutaqqat inulramiillu pivaktut ikajuutikharnik aullahimmaarlutik ilagiiktunut avikturiani. Akhuurutit tiguangnikkut ikajuutit pijariaqaqtut pipkaijut ilagiingnun pijaangini kangiqhidjutiqaqtunik pijakhanik mikhaagun piliurnikkut nutaqqanun kitut pijungnaiqtut ilainun qajangnautikkut ihumaaluutinun.

Pinahuarutit tapkua pipkaijut inulgamirnik pijaangini ikajuutinik pijaangini nakuujumik iliharnikkut uvalu havaatigut havakviit pijakhat aviktuqhijaujunit. Nutaqqat kitut aulahimangitut auladjutit hivitujumik-kikliqaqtut tunijaujukhat kivgaqtuutinik tapkua upalungaijarlugit inuuhingmingni kinguani "ukiungit" (uvaluuniin tikitpagit ukiungit) auladjutit ilaujut pidjutinun munaridjutit. Hapkuat havaat ihariagijaujunit aviktuqhijaujunit; piittumik, inulramiit iliuraqtut aulapkailluarutinga katimajunut aaniaqaqtut. Una piliungittuq tunngavikhamik ihariagijait apqutimut nakuujumik pigiami.

Humi Nutaqqat Inulgammiitlu Pijun Havagutinik Inuunirmik

Hivulliqpaq nuutiqtitaujuq piumajanganik nutaramut kitu ihariagijaujuq unguvaqtaujukhaq igluminit ilamingnit iglumini. Nutaraq inulramirluuniin ihariagijait katimalimaitpagit ilani nunallaaniluuniin, Ilagiingnun Inuuhiqattiarnirmun qiniqhianaqtut nunamingni munaqhiviit aviktuqhimajumi, imaatun katimajut igluit tapkua tunihijut 24 ikaangnirnik munaqhidjutinik nutaqqanun kitut ihagiahuktut avatqutugu munaridjutinik tunijaujut ilamingni tigujauniluuniin ilagii. Amigaitun nutaqqat inulramiitlu munaridjutikharnik aulahimaanginaqtun tiguaqhimaqtun aihimavingit ilagijaingitluuniit. Naunaitkut 13 ataani tunihijut naunajautinik humi nutaqqat inulramiitlu ataani munarijaujut Aulapkaijimin kitut tunijaujut kivgaqtuutinik uvani Qiqajalirvia 31, 2022 ilijaujut.

Naunaitkut 13: Inivikharnik Qanurittut Nutaqqat Inulramiitlu Aulapkaiji Munarijaujukhat Aviktuqhimajumi




Nutaqqat nakuutqiat ilani pihimajut nunallaamingnilu, kitut turaaqhimajut havaaptingni una *Pijitsirniq* (kivgaqtuqhugit uvalu tunihiblutik ilamingnun nunallaanunluuniin). Nunallaani Inulijikkut havaktiit havagutiqaqtun pipkainikkut nunallaaq, pitquhikkut, uqauhikkut ilagiiktunilu turaangahimammaarlutik pipkainikkut nutaqqat aanniqtailidjutainnik. Una upautidjut nalaumajuq haffumunga *Maligamun Nunaqaqaaqtunun, Inuit uvalu Métis nutaqqat, inulramiit uvalu ilagii* (Maligaq C-92), havaktauhimajut Nunaqaqaaqtunun, aviktungniinun, aviktuqhimajumilu havaqatigiit tikhahuarutigiblugit Nunaqaqaaqtut nutaqqat inulramiilu atadjutiqaqtut ilamingnun, nunallaanun, pitquhiinunlu.

Naunaitkut 14 tunihijut piksamik nutaqqanun inulramingnunlu kitut tunijaujut kivgaqtuutinik aihimablutik ilamingnun. Qitirmiuni nunami amigainiqhat nutaqqat inulramiilu atuqtut ikajuutiptingnik munarijautilugit munarijauvlutiklu agajuqaamingnik. Ilagiinut Inuuhiqattiarnirmun

akhut ikajuqpektut "ilagiit munarittiaqhugit ilavut" taimaa ihumagiblugu una nakuutqiaq qanurinia nutaqqanun inulramingnunlu nunallaanunlu.


Naunaitkut 14: Nutaqqat Angajuqqaat Aimaviinni Pitillugit Ikajuutikhamik



Taimaa nutaraq inuulrammiilluuniit ajurnaqqat munaqhiliqinirmut pitquhimulluuniit ihariagijanginnik pilimaitpata aviktuqhimajumi, hilataanit nunavunmit munarijaujut atuqtaungittut piinariaqigiami ihumagilluaqtaujut havaat. 73 nutaqqat inulrammiillu, ikitqijaujut 30% nutaqqanit munarijaujunit Tukimuaqtijumit, munarijaujut hilataanit aviktuqhimajumi. Amigainiqhat, 68%, nutaqqat aaniarutaulaaqtut pijutaujunik. Pidjutigiblugit kikliit tapkua aulahimaaqtut aviktuqhimajumi, avikhimajut iglumingnin ilainunlu atuqtaujut ajungnaqtutigut munaridjutinik ihariagijaukpata. Ikajuutit piinarialgit pinahuarutinin imaatun Nunallaani Kivrarijangit Havaktit (havaakhat uvani Ilagiingnun Inuuhiqattiarnikkut Havagviani tapkua tunihijut


upautiffaarlutik) akhuungnaqtut pijaangini tapkua nutaqqat inulramiilu pihimalugit pitquhikkut nunallaallu atadjutit. Pidjutait nuutirnikkut hilataani aviktuqhimajup naunaijaqhimajut uvani Naunaitkut 15 ataani.

Naunaitkut 15: Huuq Nutaqqat Inulramiillu iliuraqtaujut Hilataanit Nunavunmit Inirnit Nutaqqanut Inirnitlu iliuraqtaujut Hilataanit Aviktuqhimajumit Inirnit Nutaqqamingnut



Imaa 764 nutaqqat inulrammiitlu uvalu ilait, ilaujut inulrammiit kitut aihimajut, attautimukhugit tapkua munarijaublutik Aulapkaijimin ataani aalakiini qanuriniini, tunijaujut ikajuutinik kivgaqtuutinik ilaujut uqaudjinikkut, upautidjutikhat nunallaanun pinahuarutit, uvani kingulirmi ukiumi. Ilanginni pidjutaujuni, qakunguraikpat imaaluuniit ilitarijauhimaattut katakximajut titiraqtaungittut. Naunaitkut 16 tunivaktut naunaitkutikhanik atauttikut amigaitilaanginni nutaqqani inulrammiinnilu aviktuqhimanirni pijun havagutinik tamainni.

Naunaitkut 16: Nutaqqat tunijaujut Ikajuutikhanik Taapkunani Aviktuqhimanirmi



Munaqtiunikkut

Tiniqaqtut ilagiit tunihijut qajangnaitumik najugahainik nutaqqanun ilatik qiniqhiablutik ikajuqtikhamingnik uvalu ikajuqtikhamingnik pijaangini ilamingnun. Titirqiqat ilagiit tunihijut ikajuutunik nutaqqanun ihagiahuktut uvalu akhuuqhalugit nutaqqat angiklivalianikkut amigaituni kituni pivallianikkut. Piqaqtuq amigaitunik qanuriliugutikhanik titirqanik ilagiit ikajuqtut nutaqqanun ilainunlu, ilaujut:

- tunihilutik unaguiqhilagiamingnik, ilaqarlutik aaniaqtunun nutaqqanun
- ikajurlugit nutaqqat angajuqaat qiniqhiablutik munaqhinikkut munaridjutinik
- tunihilutik qilamiurnikkut naittumik-kikliqaqtunik munaridjutinik nutarannuit utaqqijut tiguarnirmik
- ikajurlugit ilagiit tamaqtailinikkut angajuqaangunikkut ikajuutikkut uvalu ajuqigtuinikkut
- tunihilutik hivitujumik-kikliqaqtunik ikajuutunik hiviturjumilugit ilagiit uvalu aalat nunallaat inulramiit pijariaqaqata

Hivutunikharnik ilaqaqtunik ilaujunik ilitagijauhijumut hivulliujuunik atuqtakharnik nutaqqanun piqaqtukhat munaqtiujunik ikajuutikharnik. Taimaatut tunihittaaqtut ikajuutikhamingnik ilagiiktunut nutaqqat aihimajukhat nunamingni imaaluuniit munaqhilutik qanittumik ilagiiktunut atadjutikhamingnik. Piqaqtuq 222 nutaqqanik munaqtiujunut aviktuqhimajumi taimaa Maniliqinirmut Ukiuq 2021-2022.

Tiguarutit

Ataani Tuguarnikkut Maligaq, Havagvik munariniqaqtuq havagutitik tiguarnikkut, ilaujullu havagvikkut inmikkullu tiguarutit. Atuqhimajuni aulanigani ukiumi 2021-2022, Qatangutiriinut Inuuhiqatiarnikhamik Havakviujuq iniqhijut 30 tiguarniginik. Hapkunanga, 26 nanminiqaqtut tiguaqtitijut uvalu hitamat 4 havagviitigut tiguaqtitaujut.

Havagviitigut Tiguarutit:

Havagvikkut tiguarutit pijut nutararmik tiguaqtauliqtuq taamna aulahimmaaraanginnaqtukhakkut munarinikkut aqhaaqtauhimanikkullu uumani Aulapkaijimi Nutaqqanun Ilagiiktunullu Havagviani talvuuna apiqhuivingmin pitqudjutimin. Hapkununga Inulirijikkunnun Nunavunmi, piqaqtuq malgunnik qajagijakhanik huuq Aulahimmaaraanginnaqtuq Munaqhiniq (naunaijainiq tiguaqtauniq) tunijauniaqtuq:

- Angajuqqaq tunihijuq nutaqqanun hapkununga Nutaqqanun Munaridjutinun Havaktimun tiguangnikkut, angirutillu tunijaujut Aulapkaijimun (Sec. 37. (1) uumani *Nutaqqanun Ilagiiktunullu Havagviani Maligaq*).
- Nutaraq tigujauhimajuq (Sec. 33 haffumani *Nutaqqanun Ilagiiktununutlu Havakvia Maligaq*) munarijauraanginnaqtukhaq akhaaqtauplunilu uumanga Aulapkaijimin Nutaqqanun Ilagiiktunullu Inulirijimin.

Inmikkut Tiguaqtut:

Inmikkut Tiguaqtitauniq pivaktuq nutaraq tiguaqtaujukhaq munarijaungitpat Aulapkaijimin Nutaqqanun Ilagiiktunullu Inulirijini. Aallanun Tiguarutit ihuaqhaqtauhimajun ilikkuuqtukkut ukunani angajuqqaani(ni) tiguqliqtullu angajuqqaani(ni) angummadjutillu pitqujauhimajunik uumani Tiguarnikkut *Maligarmi*. Nutaqqat inulrammiitlu tiguaqtitaujaaqtut tiguangnikkut ilagiit hilataani Nunavut, kihimi pijakhat tamangnun Nunavunmin tunijaujullu avikturiiit aviktuqhimajuluuniin pijaujukhat.


Pitquhikkut Tiguarutit:

Inuit pitquhiitigut tiguarutit hivitujumik pidjutiqaqtuq uvalu angiqtaublutik atuqtaujut nutaqqat tiguaqtitaujut nunaqaqaaqtunun pitquhiinun. Atauhiq tamangnikluunniit angajuqqaak tiguqliqtullu angajuqqaak Inuinnaujukhaujuk, Dene unaluuniit Metis nunaqaqtukhaq, taimaaluunniit maligakkuuqtukkut atadjutimik, Nunavunmun. Pitquhikkut tiguarniq ihuaqhaqtauhimajuq munarinirnun nutaqqanun ukunani nunamin angajuqqaani(ni) tiguqliqtullu angajuqqaat(ni). Tiguangnikkut angajuqqaat ilait uvaluuniin aalat inuit aadjikiiktuni nunallaani.

Inuit pitquhiitigut tiguarutit havaktauhimajut Tiguangnikkut Kamisinanin aalakiini nunallaani Nunavunmi. Havagvik tunivakturlu ikajurutitik Pitquhikkut Tiguarnikkut Kamisinanun ataani Nunaqaqqaahimajuni Pitquhikkut Tiguarnikkut Iltaridjutikkut *Maligarmi (ACARA)*. Taimaatun Havagvik ilaungittuq pitquhikut tiguarutini havagutini, munariniqaqtuq ACARA-mun, ilaujullu tikkuarniinnik, ajuiqhaqtinirnik, akiliqtuinirniklu ukuninnga Tiguarnikkut Kamisinanik. Ataani uumani maligami, pitquhikkut tiguarniit maligakkuut titiraqtauhimajun hilataani apiqhuiviup

piqangittumiklu maligakkut havagutainnik, ikajuqtaupluni tikkuaqtauhimajumin Pitquhikkut Tiguarnikkut Kamisinamin. Naunaitkut 17 ataani tunihijut atauttimun tiguarutit iniqtaujut aviktuqhimajumi qanuriniitigut aviktungniinun haffumunga 2021-2022.

Naunaitkut 17 Atauttimut Tiguaqtitauniq Iniqhimajuq Qanurittuni aviktuqhimanianilu uvunga 2021-2022.



Amigaittun tiguarutit pitquhikkut pidjutainnik iniqtaujullu ataani Nunaqaqqaahimajuni Pitquhikkut Tiguarnikkut Iltaridjutikkut Maligarmi (ACARA). Tamna pidjutikhaq malikhautikharnik tunijaangat malikhautikharnik taima pitquhiliqinikkut tiguarniq pittiaqtaugiaaqtun ilitagijaulutiklu. Ataani umani maligami, pitquhikkut tiguarniit maligakkut atiliuqhimajuq hilataani apiqhuivingmin piqangillunilu maligakkut havagutainnik, ikajuqtauplutik tikkuaqtauhimajumi Pitquhikkut Tiguarnikkut Kamisinamin.

Inuit pitquhiitigut Tiguaqtitiniq Kamisinat havangniaqtait pitquhikkut tiguarutit attauhiq inuujut angajuqaaq Nunavunmi Inuit, uvalu attauhiq tiguarlugu angajuqaaq Nunavunmi Inuit. Inuit

pitquhiitigut Tiguaqtitiniq Kamisinat qingijaaqtut havaklugit pitquhikkut tiguarutit mihigimangitkumik maligamik uvaluuniin Inuit pitquhiit maliktaujut. Ilagiinut Inuuhirittiarnirmun tunihijut akiliuhiakhanik angiqtaujunun atiliuqhimajut tiguarnirmun tunihijutlu ukiuq tamaat ilihaidjutinik haffumunga Pitquhikkut Tiguangnikkut Kamisinaanun.

Hiviturjumijun Havagutit


Ilagiinut Inuuhirittiarnirmun tunihijut ikajuutinik kivgaqtuutinik uvalu angirutinun inulramirnun ataani titiraqhimajumi 6 (1) haffumani *Nutaqqanun Ilagiingnunlu Kivgaqtuqtut Maligaq*. Inulramiit pigiaqaqtun pijaangat ukuninga ikajuutikharnik nunaqalimaitun angajuqaangit ikajuktaugiaqaqturlu munaridjutikharnik nanminikkut.

Qanuritut ikajuutit, naunaijaqhimajut Maligani, tapkua tunijauniaqtut Hapkunanga Havakvingmin ikajuutikhat inulrammiit ilaujut:

- *uqaudjiniq*
- *angajuqaanun pinahuarutit*
- *ikajuutit ihuaqhijuumiriangani inulramiit maniliqinikkut qanuriniit*
- *kivgaqtuutit ihuaqhijuumiriangani inulramiit iglukhait*
- *aangajaangnaqtunik taanganiklu mamitingniq mamitingnirlu*
- *uqaqatigiingnikkut ihuigijaujunik; unalu*
- *qujaginaq aalat kivgaqtuutit angigutigijaat Aulapkajjimin inulramingnunlu.*

Uvani 2021-2022, 29 inulramiit tunijaujut kivgaqtuutinik ataani Hiviturjumijut Kivgaqtuutit Angirutit. Amigainiqhat hivitutqiaq ikajuutit agiqatiriigutaujut Qitirmiuni nunami. Aadjikutaanik qaffiuniit angutit angnallu tunijaujut kivgaqtuutinik ukiumi. Naunaitkut 18 aaliujumi pipkaijuq qanuriniganik hivitujumik ikajuutinik agiqatiriigutinik atuqtunik humiliqaa aviktuqhimajumi nunami arnauniganilu.

Naunaitkut 18: Hivutunikharnik Ikajuutikharnik Angirutikhangit Angutit/Angutit Avikturniagut



Inulramiit Utuqqaliuliqtut

Tuqaqtumun munaqhijut hulidjutit upalungaijajukhat inulramirnun iningninguqpaliatutik uvalu pijaangini tapkua inulramiit havagiangini inuuhirmingni ajuiqhautinik imaatun aanuraanik, niuvaalutik uvalu pihimalugit inmi halumaniq, maniliqinikkut taiguarnikkut uvalu taimaali). Hulidjutit ilaujukhat havaatigut upalungaijarniq uvalu pivallianiq ihuaqtumik inungnun ikajuutinik havaqatigiiklutik hivuani uvalu ilihaguiqata iningninguqpalianiq. inulrammiit ilaujukhat upalungaijautini uvalu uqautaujukhat tamaini qanuriniini. Humi ihuaqqat, ahiagut munaqhijut, maligatigut munaqhijut, ilihajit, ilagiit humiitkaluaqtilugit uvalu/uvaluuniin qujaginaq aalat ikajuqtut inuit naunijaqtauhimajut inulgamirnin ilaujaqtut.

9 inulramiit nuutiqtajut munarijaunirmun uvani 2021-2022. Ihumagiluarlugit nuutiqtulugit upalungaijainirmun ikajuqhugillu inulramiit qimaijut ilagiingnun Inuuhiqattiarnirmun auladjutainun pijaangini aalat havagviit uvalu nunallaat pinahuarutait pidjutigijaangini apqutinun mikhaanun nakuunikkut. Una nalaumajuq hapkununga *Inunguqsainiq-pihimajutatuqtajut*, pimmarlungnikkut uvaluuniin angiklijuumirlugit hapkua inulramiit havadjagiktukhat ilaujut inungnun-hivuniptingni Nunavunmi hivuniptingni Nunavunmi hivuliqhuqtut.

Aulahimaaqtumik Tikhinuarutivut: Piliurnirmik Nakuuninganik Pinahuarutikhanik Kiunnaqtuniklu

Buumajunik Nakuuniqaqtunik Pinahuarutit

Ilagiinut Qajangnaitkutikhat Hanaqidjutikhat:

Nunallaani Tutqihaiji, Arnat Qajangnaitkutikhat Hanaqidjutikhat (CCWS), havaakhaq Iqalungni havaktiqaqhimajuq havaqattaqpakhuni talvanga Iidjiruvia 2022. Tadja, aulapkaiji havaqatigijait aalakiit Kavamatkut Nunavunmi Havagviit ukualu Inuit katimajiit, tamangni aviktuqhimajumi aalallu aviktungniit, havaklugit nutaat havaqatigiingniq hakugikhijuumiqtulugit atuqtaujut.

Arnat Qajangnairutikharnik Hanaqidjutikhaq katimadjutikharnik uqaqtauvakhimajut iqalungni, Iqaluktuutiami, Kugaarungmilu. Uqautiginirit turaaqhimajut qanuq havagviit uvalu katimajiit havaqatigiiklutik attautimun tunihijaangini Nunavunmiun ihuaqtumik kivgaqtuutitik uvalu ikajuutitik.

Imaalu, CCWS tingmihimajut Ikaluktutiami Ukiumi 2022, Aulapkaijilu Pittailinirmun Ningaqtailinirmun Nutaqqanun Inulramirnunlu Pinahuarutit, katimapkailutik 10-qulinik ublunik inulramiit ihaangnikkut pinahuarutit inulramirnun kitut naunaijaqtauhimajut ajuqhautit mamihainirmun mamihainirmunlu.

Havagviat Inulirijikkut tunihivaktut maniliqtuutikhanik hitamanik 4 amigaqhuutaujunut arnanut qimaaviit Nunavunmi, iqalungni, Iqaluktuutiami, Kugaaruk, Kangirlinirmillu. Ukiumi qimaaviit ihivriurutait pijaangini qimaaviit auladjutait qajangnaitut, pitquhikkut ihuaqtut uvalu pittiangnikkut kiudjutigiblugit ihagiagijait inuit. Ihivriurninngit pilimaittut una maniliurnirmut ukiuq pijuq uumunnga Qalagjuarniq-19 pittailininnga, kihimi Ilinniaqtulirijitkut pinahuaqtait aullaqtiffaarlu aippaagu maniliurnirmut ukiuq.

Pittailiniq Ningaqtailinirmun Nutaqqanun Inulramirnunlu Pinahuarutit (PVACji):

Pittailiniq Ningaqtailinirmun Nutaqqanun Inulramirnunlu pinahuarutit (PVACYI) turaaqhimajut havaqatigiingnirmun akhuurutit amigaitunun timiujunun timiujununlu tamangnun avatiini aviktuqhimajup ihuaqtumik havaktakhanik ningaqtailinirmun avatiini Nunavut inulramirnun nutaqqanunlu. Una ilaujuq havaklugit pinahuarutit atulingnikkut haffumuuna Inulramiit Pinahuarutit Maniliqtuijut. Tamna PVACji aulahimaarniaqtun havakhimaagianik ilituqhaidjutikharnik talvuuna Nutaqqanut Pimmarlungniq Ikhinaqtaujuukhaungituniklu Kiudjutikharnik Angirutikhaq (CANRA). Aulahimaagtut katimadjutit havaktauliqtut Aanniaqtailinirmun, Maligaliqijit, Iliniaqtulijit uvalu aalat kivgaqtuqtut. Tamaita tigumiaqtuuqataujut Nunavunmi uqaqtut angirutimik ihuaqhaqhimajumik kiudjutingit ukunanit tamaita havakvingit ihuaqhigiami nutaraq hapummiutiniq ihumaaluutigijaujut

Nutaat aulahimaagtumiklu Havaqatigiingniq:

OLI

Hilataanit qiniqtut (OLI) Nunaqaqqaqhimajut ihumagilluaqtait, Toronto-pijuq timiqutigijaujuq havaqatigiliqtait Iamingnut Nakurudjutinga iliuriami numiqtut pinahuarut numiktiqtut nutaqqanut inulramiinullu Nunavunmi. OLI pulaaqtaqtut pingahut nunallaat uvani Imaruqtirvia 2022; Qamanittuaq, Kimmirut Iqalungnilu ilaulirniaqtun ukiakhaliqan 2022-2023mi havaaqhangit

inulramiinun nutaqqanunlu Qamanittuarmi. Ilagiinut Inuuhiringnaqtumik OLI-lu havaqatigivaktait Hamlanga Qamanittuami Ulapqipkainirmullu ikajuutikhanik iniqtiutikhanik pinahuaruti upalungaijautikhanik.

RPAN

Ulapqijuliqinirmun Minnguiqhiviit Katimajiit Nunavunmi (RPAN) havaktait hivungani havaqatigiingnikkut pijakhat malikhugit katimadjutit uvani Imaruqtirvia 2022. RPAN tautuktivakhimajut ihumagijainik havaqatigijaangat Ilaqaqtunik Inuuhirinikkut aulatitijaangat Ukiakhaliqan/Ukiumi tangmaarvikharnik Nunavunmiunun; naunaijarlugit aadjikiit piujajait uvalu tikhahuagutait pijaangini tapkua tamaita nunallaat piqaqtut maniqami ikajuutinik uvalu pinahuarutit pittailinikkut uvalu ikajuqtaunikkut upalungaijautinik inulgamirnun.

ELC

Iqittiaqhimalugu Inuuhiq Katimajiit (ELC) havaqatigivaktait Ilagiiktuni Inuuhiringnaqtumik ikajuqhugit ilihautikhat katimapkaijut Iqaluktuutiami kinguagut tragic-mut pidjutigiplugu Qiqaijalirvia 2022-mi. ELC-kut ikajuqpaqtut nunamingni pinahuarutinik uuktuutikkut hapkununga Inulramiit Pinahuarutainun Maniliqtuijut aulahimaaqtumik havaqatigiiklutik ikajuqhugit Ilagiit Inuuhiqattarnirmun INSPIRE Tangmaarvikhangit haniqpaniilvikhat Iqalungni.

Makerspace

Pinnguaq Piliuqtiujuq Pinahuaruti ukuallu Ilagiiktunut Inuuhiringnaqtumik naunaiqhijut nunallaani atulirnikhanut qaritaujatik havagumanggittut pinahuaruti turrangajut inulramminut arnannuanut arnanullu, inikhainnik qajangnaittumik ilihaqhimmaarianginnilu. Piliuqtit ikajuqpaqtutlu tunihiplutik hulipkaidjutikhanik atuqtakhanik ajuiqhavikhainiklu havaktinut Ilagiinut Inuuhiringnaqtumik INSPIRE Tangmaarvikhangit.

Kiudjutivikhaqarniq

Ilagiinut Inuuhiringnaqtumik akhuuqtut ihuaqpiaktunik ihuaqhijuumiutikhanik. Havaktitaujgut Ihuaqtunik Ajuittiagiikhimajuq maniliqtuqtaungittut PY naunaijaangat ihivriudjutikharnik havaktauvakhimajut talvuuna ilihairutikharnik talvuuna Nutaqqanut Ilagiiktununutlu Havagvianun. Tamna havaakhaq aituiniaqtun talvuuna:

- 1) iluaniitut inmikuuqtut uvalu pinahuagutit ihivgiugutait hapkua Nutaqqat uvalu Ilagiingnun Kivgaqtuqtut inuup naunaitkutait, ilaujut maliklugit uvalu tajjauhimajut ihivriurutit uvalu qajangnautikkut ihivgiugutit;
- 2) pihimalugit ihuaqtut maligat, pitqujaujut, maliguagahat, havauhiit, havauhiit, uvalu pinahuarutit maligahat ihuaqtumik maliktaujut, uvalu
- 3) ihuaqtut iluani munaridjutit havaktauhimajut pittailijaangani qanurilidjutait hulaqutit. Naunaijaangat aulahimaaqtugut munaridjutikharnik kiudjutikharniklu havakhimajut

talvuuna ilihairutikharnik nanminiqaqtunik havaanganik tunijauvakhimajut talvuuna ihuaqtumik ihuaqhaidjutikharnik havaaqhangit.

Angitqijat amigaitilangit tukhiutit tunijauvaktut tapkunanga Nutaqqanut Inulramirnullu Uqaqtikhaanik Havagviat (RCYO). Ukua RCYO inmikuuqtuq havagvik nutaqqanun inulramingnunlu kitut pitqujaujut ikajurlugit, munaqhidjutikhat, akhuurutigilugulu pilaagutait uvalu piumajait nutaqqat inulramiilu. Una pijuq pittaarninnga, uumani *Nutaqqanut Inulramirnullu Uqaqtikhaanik Maliganga* (RCYA), pigiami apirijuq titiraqhimajumik naunaitkutanik. Ilagiinut Inuuhirittiarnirmun pihimajut atauttimut 52 tukhiutinik talvanga Kivgaqtuijuq ukiungani 2021-2022. Hapkunanga tukhiutinin, 43 ihuaqhaqtauhimajut imaalu 9 ihuaqhaqtauhimangittut havaktit nunallaani, kiudjutaungittut, imaaluuniit unagunaqhimajut tamaita aniajut. Takulugu Naunaitkut 19


Havagviat RCYO-ktut pivaktut aallanik kiunnaqtunik imaalu amirijaujunik. Tunijuq qanuraaluk inuqangittut unalu havaktuq humi ittaakhaanik, apiqhuutit ilaani ajurnavjaktut. Qilaminuaq kiudjutingit naalaktakhangillu ihariagijaujut talvani ihumaaluutigijaujut pipkaidjutijuq qajangnautinga nakurudjutinganut nutaqqanut inuulrammiilluuniit ilamingnullu. Humi pidjutaujut naunaijaqhimajut auladjutikkut, havaqatigiingnikkut ikajungnikkut tunihiniaqtut nakuutqiatigut kiudjutinun. Titiqqar 3 ataani tunihijut naunaijaqhimajut qaffiuniit apiqhuutit pijaujut uvalu ihuaqhaqtauhimajut uvalu qanuriniit piqaluanginikkut ihuaqhaidjutikhanik.

Titiqqat 3: Uqaudjaujiullu Ihumaaluutigijaujut Ilitarijaujuq RCYO-2021-2022

Uqaudjaujiullu Ihumaaluutigijaujut Ilitarijaujuq RCYO-kunnit 2021-2022	Atauttimut
Hivitunia Qitiqqautijuq 1- Imaruqtirvia 30 2021	10
Nampait Ihuaqhaqtaujut	5
Nampait Ihuaqhaqtauhimangittumut	5
Qanuriniit Piqanginirmik Pigiaqtitauhimaitumik:	
Hivajalimaitpagit Ilagiingnun Inuuhiqattiarnirmun havaktit	
Ihuaqhaqtaujuq PIittumik GN-kut Havaat	
Hivitunia Taaqhivaliavia 1- Apitilirvik 30 2021	14
Nampait Ihuaqhaqtaujut	13
Nampait Ihuaqhaqtauhimangittumut	1
Qanuriniit Piqanginikkut Pigiaqtitauhimanikkut	
Pigiaqtitijukhaungitun tamaita auladjutikhangit	

Atuqtilugu Tattiarnaqhilirvia 1- Ubluiqtirvia 31 2021	13
Nampait Ihuaqhaqtaujut	11
Nampait Ihuaqhaqtauhimangittumut	2
Qanuriniit Piqanginikkut Pigiaqtitauhimanikkut	
Tamaita Ikajuutikhaq Avenues Nutqaqtitaujuq Ihuaqhaqtaujuq Ikajuqtauhimaitumik- Nutaqqanun Hivuliujuq Pinahuarutit	
Hivituniani Ubluqtuhinia 1- Qiqajalirvia 31 2021	15
Nampait Ihuaqhaqtaujut	14
Nampait Ihuaqhaqtauhimangittumut	1
Qanuriniit Piqanginikkut Pigiaqtitauhimanikkut	
Hivajalimaitpagit Ilagiingnun Inuuhiqattiarnirmun havaktit	

Naunaitkut 19: Uqaudjaujiullu Ihumaaluutigijaujut Iltarijaujuq RCYO-
Ihuaqhaqtauhimajut/Ihuaqhaqtaungitunlu



MUNANAQHJUT MUNAQHIJUNIK

Havagutivut ikajurnikkut pivallialiurnikkullu ajuiqhijamajakhanik havaqatipitingni qitqaniittuq pittaaruupitipitingnun tuninikkut nakuujunik havagutinik nutaqqanun ilagiiktununlu. Ajuiqhautikharnik tunihimaarniaqtuq atuqtakharnik hanalrutikharnik iliqatigiiktunik ihuaqtumik.

Havaktit pihimajut ajuiqhaqpakhutik qaritaujakkut "Qitiqaujarviani Ajuiqhaplutiklu" katimanigini atuqtilugu 2021-2022. Uqaqtakhangit ilaliutijuuq ihumamitigut aaniarutilgit unalu nakurudjutinga, quglukhimaniq ilaliutihimajurru, nutaraq pitquhinga pivallianirru, ikajuqtuq tigujuahimajunik munaqtiujut nutaqqanik, Nutaramut Pimmarlungniq Havaqatigiingniq unalu Kiudjutinga Angirutinga (CANRA), Havakvinga Inungnut Munaqtiujunut, Ilaupkainiq Aadlatqiinngalu. Aulaniaqtun katimadjutikhangit ilaujut naunairutikharnik ilaqaqtunik Inuuhirinikkut Upalungairutikharnik Katimajiit, tamna Kiugiaqaqtunik Havaaqhangit, unalu uqaqtauhimajuq talvanga Havagviani Nutaqqanut Inulramirnullu Uqaqtikhaanik.

Pidjutigiblugu qalagjuarniq COVID-19 inungnun aanniaqtailinirmun aktilaarutit aularutaani 2020, tautungnirmun ilihaidjutit nutqaqtitaujut qajangnautinun havaktinun, munaqhijut angajuqaat, tamainunlu Nunavunmiun. Ajuiqhautikharnik aulaffaaqpakhimajut talvuuna Ilaqatigiiktukharnik Havaktunik Apitilirvia Hikutirvia 2021mi Iqalungni Kangirlinirmilu, Maligaliqinikkut Ilihaidjutit tunijaujut uvani Apitilirvik 2021 unalu Hikutirvia 2021 Iqalungni, Munaridjutikkut Ilihaidjutit tunijaujut inulirijit havaktinun uvani Tattiarnaqhilirvia 2021 uvani Kangirlinirmi uvalu Apiqhuinikkut Nutaqqat Inulgamirnullu Ilihaidjutit katimajut uvani Ubluiqtirvia 2021 Iqalungni aulapkaqtajut hapkunanga Forensic Practice.

Tigujaujunut munaqtingit ajuiqhainiq katimajut unalu Qaritaujakkut Pulaarvinga tunijuq naunaitkutaq aadlatqiinut uqaqtakhanginnik pijut atuligtitaugiami qanuqtullu ikajuriami Nunavunmiut tigujaujunut nutaqqat munarijaujut. Ilaujut ilaublutik uqautigilugit aalat munaqhijut angajuqaat tamaini aviktuqhimajumi. Humi havagviit qajangnaitumik angmaffaaliraangata munaqhijut angajuqaat tungahuktitaujut nunallaanun havagvingnun pijaangini qaritaujat uvalu titiriangini qaritaujaliqivingnun. Una pidjutiginiaqtaa atadjutaa aalanun munaqhijut angajuqaat havaktiillu tamaini aviktuqhimajumi.

Ilagiinut Inuuhirittiarnirmun angiqtaujut 3 amihuni-ukiuni maniliqtuutikhanik aituutit, talvuuna Nunavut Kavamanga Ajuiqharnikkut Manikhat, tunihiplutik aullaranginaqtumik Atan'ngujaunirmik Ajuiqharvikhanik, Ilagiiktuni Ikajuqtikhat Havaktikhat Ajuiqhaidjutikhat, imaalu Munaqtiujut Tutqiqhaiji Ajuiqharvikhat. Qaritaujakkut pulaarvinga NVision-kunnut piluqtaujuq ilaliutijurlu taimaa 40 qaritaujakkut ilihaidjutinik havaktingit iniqtiqtaaqtaait inmikkut kajumingninnganik.

Imaalu, uvani Hikutirvia 2021, hivulijuq qaritaujakkut ilihaidjutit aularutijut havaktinun. Ilagiarutit ilihautit pijaulat havaktinut atuqtitlugu 2022. Tadja, hiamitigakhaungittunut ilihaqtitiniq, ilihaqtakhat Ilagiiktunin ningaqaunirmik, tuquffihungnikkut, imaalu ilaliutihimajut hailijut uvani NVision-mi ajuiqharnikkut atuqtaujuuni.

Ilihaluaqtakhat upalungaijaqtauhimajut hapkununga pingahut 3 tatqiqhiutit hapkununga CSSWs, atangujat uvalu aalat Ilagiingnun Inuuhiqattiangnikkut Havaktit. Una ilihaidjut pijakhaq havaktinun pijaangini inmi titiraqhimajut angirutitik uvalu maligatigut upautidjutikhat. Atan'ngujat ajuiqhainiq ilihaidjutinga 2 Havaamut Munariniq piinariaqihimajuq uumunnga Inulirijikkut atan'ngujat, atan'ngujat, unalu tukimuaqtiujut uumani latuliup ilanga 2022.

Qaijut tajauhijumun ilihaidjutinik nutaqqanun munaridjutinun havaktinun katimapkaijut haffumuuna Forensic Practice, Stepwise 360: Apiqhuijut Nutaqqat Inulgammiiitlu piinarialgit uvani Tattiarnaqhilirvia 2022 uvanilu Iidjirurvia 2023. Atiliurniq hapkununga katimadjutinun aulahimaaqtuq. Hapkua ilihaidjutit pijariaqaqtut maligatigut tikuaqtauhimajut.

Ilagiinut Ikajuutikhanut ajuiqhaidjutikhat havaqatigiplugit Ukuat Nunavunmi Inirnirit Ilihaapaalirviit. Qitiqqaatitjuq 4 talvunga 14, 2022, qatangutiriit ihuaqtit havaktut ilaujut "Titiraqhimajut Tuhaumajutit" ilihaut atauhiq ilihagakhaq aturiaqaqtuq Qatangutiriinit Ihuaqutinik Havaktut Iliqahijutimik Havaami.

Inuum Naunaitkutainut Atuqtaujut (CIS) ilihaidjutikhat aullaranginnaqtumik tunijauhimmahutik qaritaujakkut ajuiqhattiaqhimajut atuqhugit Microsoft Teams. Mikijut amigaitulu atuniitut ajuiqhajutit qahaktut ihuaqhaqtauvlutiklu ihariagijauliraagat.

Pigiami ajuiqhainirmut ikajuutikhaniklu ikajuutikhat havaqatigiiktunut, Hivitujumut Qanuriliurutingit Naunaijainiq unalu Kiudjutinga Ajuittiaqtuq havaaq angiqtaujuq havaktitauniaqturlu uumani 2022-2023 maniliurnirmut ukiuq. Una ilijaujuq Ilagiinut Inuuhirittiarnirmik havaqatigiiktut nakuuqpiiaqtumik havaakhaq ikajuutikhaq havaktinun pihimanirmun hivunirmi ukiuni.

INIQTIRUTAA

Una 2021-2022 Ukiumi unniudjutit tunihijut kihigtitautinik pittiaqhugit auladjutinun nutaqqanun munaridjutinun aviktuqhimajumi uvalu tunihiblutik naunaijautinik kivgaqtuutinik pinahuarutiniklu ataani Ilagiingnun Inuuhiqattiarnirmun Havagviani.

Ukiuq 2021/22 pijariaqaqtut aulahimaaqtumik *Qanuqtuurniq* (nutaanguqtirniq ikajuutillu) ilaptingnun uvalu ajuqituihluta aulajaaptingni ihuaqtumik kikliqaqtunik ikajuutinik uvalu akhuuqhutik munaridjutinik. Kihimi, havaqatigijavut ikajuqhugit ilagii, nutaqqat inulrammiitlu uvalu Ilagiinut Inuuhirittiarnirmik havaqatigiiktut pidjutiqaqtut akhut akhuugutinik pijaangini tapkua nutaqqat inulrammiitlu aulahimaaqtumik tuhaqtitinikkut ilamingnun. Ilihaqhimaaqtugut munaqtivut angajuqqaavut havaqativullu ilaujut paqitijullu ihuaqhaidjutikhanik atapkariaptingni, nunarjuami, Nunavunmillu nunavunmi, avalingaaqtitauliqtut.

Pittiaqhugit *Pijitsirniq* (ikajuqhugit uvalu tunihiblugin ilatik uvalu/valuuniin nunallaanun), tunihijugut ikajuutinik nutaqqanun aihimablugin ilamingnun, nunallaamilu. Ihuaqhijuumiqtavut ulapiqutit hilataani aviktuqhimajup imaa pulaarlugin nutaqqat inulrammiitlu hilataani Nunavut. Ihuaqhaqtavut inulrammiinnun ikajurnikkut pinahuarutinik talvuuna hivulliqpaakkut piniaqhimagdjutikkut havaktilirnikkullu malruungnik Inulrammirnik Ihaarutinik Tutqikhaijinik pipkainikkut ihuaqhajajugin huldjutinik hailihimajun inulrammiinnun tamaani nunaptingni.

Ilagiinut Inuuhirittiarnirmun havagutit nallaumajut taffumunga *Katujjiluta*, Siksit Maligaliurviup Pitqujaujuq 2022. Itqumajumik upiqhimajugut taima "qaujimaluagungnaiqhuni hinaktuumajaptingnik" pigiaqaqtun havaqatigiinnikkut naunaitumik hanaqidjutikharnik taima algaptingni aulatitijaangat ihuaqtumik nunarjuaptingni tamainun nunaqaqtunik talvani.

Tikittukhami ukiungani naunaitkuta 10-ni ukiuni nalliutinga piliurninganik Inulirijikkut. Tadja, qiniriaqaqtugut humit qaihimagaluaqhuta hivumuuqhuta uvalu havaqatigilugin ihuaqhijuumirlugin munarittiarlugin nunallaat humi tamaita Nunavunmiun inuunikkut.

Taimaa!

Titirarutit Naunajautini Katitirutini

Naunaitkutat uumani taiguagakhami pijuj uumannga Inungittut Taiguagakhat, naunaitkutaq tunijaujuq hivulliqpaamit havaktut iluanillu naunajainiq qanuriliurutingit. Tamaita akhuurutit havaktauhimajut tunihilutik ihuaqtunik kangiqhidjutinik.